

**Zeitschrift:** Museum Helveticum ad juvandas literas in publicos usus apertum  
**Herausgeber:** Litteris Conradi Orellii et Soc.  
**Band:** - (1749)  
**Heft:** 14

**Artikel:** Vindicae pro Bullingeri iudicio de Mich. Serveto, eiusque sectariis inter anabaptistas  
**Autor:** Lasicius, Johannes  
**DOI:** <https://doi.org/10.5169/seals-394648>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 21.08.2025

**ETH-Bibliothek Zürich, E-Periodica, <https://www.e-periodica.ch>**

Vindiciae  
pro BULLINGERI Judicio  
de Mich. Serveto, ejusque Sectariis  
inter Anabaptistas.

**M**AGNUS BULLINGERUS in suis adversus Anabaptistas Libris germanico sermone conscriptis, deinceps autem a V. Clariss. *Josia Simlero* in latinum conversis Lib. II. cap. 12. ad postremam ex Anabaptistarum facti-  
nibus, eamque pessimam ac prossus abominandam, classem progreditur, qua post Michaelem Servetum deinde etiam cap. 13. Melchiorem Hofmannum, cap. 14. Davidem Georgium & Libertinos &c. con-  
cludit. In Capite autem 12. hunc ad modum differit: *Decimotertio & ultimo loco Anabaptisticæ fa-  
ctionis ordine ponam quosdam horrendos & abominabiles  
Anabaptistas. Liberi & Monasterienses Anabaptistas  
etiam ipsi hoc nomine appellari possent: „ Sed hos peculia-  
„ riter abominandos appello, quoniam abominandis  
„ & horribilibus blasphemis præcipua indubitatæ nostræ  
„ fidei & sacri symboli dogmata scribendo & docen-  
„ do impugnarunt, & horribiliter prosciderunt ac in-  
„ famarunt. „*

Primum autem locum inter hos merito suo obtinet Michael Servetus Hispanus Arrago. - - Hic in libro blasphemo, quem sub titulo Restitutionis Christianismi edidit, multos errores adversus præcipua do-  
gmata Christianæ fidei evomuit, præcipue tamen sanctam

& imperscrutabilem Trinitatem conviciis proscidit, & veram Christi Divinitatem abnegavit. - - - In his autem horrendis erroribus & blasphemias contra S. Trinitatem & Divinam Christi naturam a suis partibus habet veteres jam olim damnatos hereticos, Praxeum, Samosatum, Arrium & alios plures: praeterea omnes Iudeos & Turcas, & nostra etate COMPLURES praecipuis Anabaptistarum DOCTORES. Hic non dubitant nonnulli palam profiteri, BULLINGERUM temere & immerito Servetum in Anabaptistarum censem adscripsisse, falsoque Anabaptistis errores ejus de S. Trinitate transcripsisse, atque adeo ipsos aequitatis limites transgressum esse, Anabaptistas Servetianorum nomine diffamando: qua accusatione non tam Serveti, quam Anabaptistarum caussam agere ac patrocinium suscepisse videri volunt. At quam longe haec a consilio & mente Bullingeri absint, non abs re fuerit hic paullo explicatius ostendere, ut novo aliquo documento constet, quam inconsiderate agant omnes illi, qui levissima quaque de caussa purioris Doctrinæ Restauratorum, Virorum sanctissimorum, fidem, prudentialiam, & aequitatem suspectam reddere non verecundantur.

Ipse BULLINGERUS in praefatione ad hunc adversus Anabaptistas librum de animi sui aequitate, quam in conscribendo hoc Libro religiose fuerit secutus, & quam longe absit ab odio Sectæ diserte hunc in modum profitetur: „ Nihil scienter aut „ dolo malo Anabaptistis adscripsi, quod non „ ex ipsis, aut ex aliorum fide dignis testimoniiis „ habeam. Quod si qui nunc aliter sentiunt, „ quam ego de illis scribam, & ideo arbitrantur,

„ me

„ me falsa de Anabaptistis scripsisse , quandoqui-  
 „ dem ipsi Anabaptistæ sint , atque aliter sentiant :  
 „ his respondeo , primum omnes nosse , qui ali-  
 „ quid commercii cum ipsis habent , eos plerun-  
 „ que nunc hujus , nunc alterius Sententiæ esse :  
 „ præterea in multis rebus sic eos dissentire , ut  
 „ pauci eorum reperiantur , qui idem sentiant :  
 „ Deinde non sequitur , si unus aut alter non ita  
 „ sentiat , neque hoc illudve faciat aut fecerit ,  
 „ neminem unquam Anabaptistarum ita sensisse ,  
 „ aut ita fecisse . „ Et de consilio Libri sui hæc  
 statim subjicit : „ Etenim sub Anabaptismo jure om-  
 nia complectimur , quæcumque unquam Anabaptistæ do-  
 cuerunt aut fecerunt , etiamsi eadem nunc non ab omni-  
 bus obseruentur . Quod consilium deinceps in ipso  
 operis cursu pluribus explicat . Lib. I. c. 8. „ Dein-  
 „ ceps indicabo , quænam dogmata communia  
 „ sint Anabaptistis , & quæ sint quorundam pri-  
 „ vata , h. e. in quam miras & multiplices factio-  
 „ nes & schismata temporis progressu divisi sint .  
 „ Et cap. 9. „ Nonnulli arbitrantur impossibile  
 „ esse , ut omnes Anabaptismi differentiæ , con-  
 „ trariæ opiniones , & pernicioſæ ac horrendæ  
 „ eorum Sectæ & factiones ordine commemoren-  
 „ tur . Et quidem verum est , ex illorum numero  
 „ paucos inter se consentientes reperiri , ita ut  
 „ singuli peculiare aliquod mysterium , hoc est ,  
 „ figmentum , habeant . Ideo non conabor hoc ,  
 „ ut exacte & copioſe describam omnes eorum  
 „ Sectas , & uniuscujusque cerebroſi hominis  
 „ figmenta . - - - Quare tantum adducam  
 „ præcipuas aliquot & notissimas ipſorum factiones . In  
 „ his autem Lib. II. cap. 12 - fin. „ Decimum  
 tertium & ultimum locum occupant abominandi

quidam Anabaptistæ, h. e. illi, qui abominandis  
 blasphemias præcipua indubitatae fidei nostræ do-  
 gmata SCRIBENDO & DOCENDO impugna-  
 runt ac infamarunt. Quapropter injuriam faciunt  
 sanctissimo Viro, quicunque ea quæ Lib. II.  
 cap. 12. memorat, ita interpretantur, quasi in  
 universum de Anabaptistis sermonem faciat, at-  
 que omnes sine discrimine inter Serveti discipulos  
 & sectatores adnumeret; iisque gravissimos & blas-  
 phemos de S. Triade & Divina Christi natura er-  
 ores transscribat: Tantoque gravius peccant hac  
 interpretationis calumnia, quoniam ipse Lib. III.  
 cap. 6. hanc iniqui judicij criminationem diserte  
 a se amolitur, ubi objectioni Anabaptistarum,  
 quasi concionatores orthodoxi invidiæ creandæ  
 gratia promiscue omnes Anabaptistas tanquam in-  
 fames hæreticos traducant, ita occurrit: *Dico hoc*  
*libro nostram innocentiam evidenter declarari.* *Annon*  
*enim discrimen inter Anabaptistas posuimus & mentionem*  
*generalium & peculiarium Anabaptistarum fecimus?*  
*nonne diximus quosdam tales, alios vero bis diversas*  
*opiniones tueri, & ab illis alios rejici & excommunica-*  
*ri? &c.* „ Interea hoc quoque perspicue appa-  
 „ ret, Anabaptistas illos, quorum vos pudet,  
 „ initio vobis non dissimiles fuisse, quemadmo-  
 „ dum superius ostendimus. „ Quis autem nos  
 „ certos faciet, vos occasione data, non etiam  
 „ ipsorum similes fore? *Quare cum monemus &*  
 „ *dicimus hæc sub Anabaptismo latere, quid quæsa-*  
 „ *falsi dicimus?* Evidem alioqui in multis turpibus  
 „ erroribus versamini, etiamsi non estis e nume-  
 „ ro crassissimorum & abominabilium Anabaptista-  
 „ rum: itaque nulla vobis fit injuria, neque quic-  
 „ quam in caritate peccatur, quum graviter a no-  
     „ bis

„ bis arguimini , si forte adhuc vos lucrari posse-  
 „ mus . „ Eo vero in loco , ob quem Bullinge-  
 ri æquitatem judicii in suspicionem adducere vo-  
 lunt , tantum abest , ut vaga aut obscura ora-  
 tione promiscue omnes in eandem culpam voca-  
 verit , ut potius definitione explicet , quos quales-  
 ve per abominandos illos Anabaptistas intelligi ve-  
 lit , illos nimirum ex Anabaptistarum familiis , qui  
 abominandis & horribilibus blasphemias præcipua  
 fidei nostræ dogmata *SCRIBENDO & DOCENDO*  
 impugnatunt , quod fecisse Servetum extra con-  
 troversiam est , quem COMPLURES sua ætate  
 præcipui Anabaptistarum Doctores fuerint secuti .  
 Tales autem inter Anabaptistas diversarum parti-  
 um Doctores complures extitisse ejus ætatis Scri-  
 ptorum consensu ita confirmatum est , ut qui hoc  
 in dubium vocare ausit merito ab omnibus verita-  
 tis studiosis rideatur . Jam beatus Huldr . ZVING-  
 LIUS in suo in *Catabaptistarum strophas* elencho ,  
 in ea quæ libro præfixa est ad Lectorem Epistola  
 hæc habet : „ Stulte baptismum Christi jactat ,  
 „ qui Christum negat : neque enim est , quod  
 „ Judæorum more dicant , (*scimus autem quosdam*  
 „ *ex iis in hoc esse*) , Christum magnum aliquem  
 „ fuisse Prophetam , aut Dei hominem , at non  
 „ Dei filium . - - Breviter ergo , quum Chri-  
 „ stum ipsum , haud obscure negant Dei esse Fi-  
 „ lium natura , per malitiam de illius baptismo  
 „ tumultuantur , non per Zelum . „ Et Josias  
 SIMLERUS in suis *de æterno Dei Filio* Libris in  
 Præfatione p . 3 . „ Dum hæc ab Antitrinitariis  
 „ seu Tritheitis disceptantur , Ochinus propter  
 „ suam perfidiam pulsus Tiguro , in Poloniam ve-  
 „ nit , hujus adventu disceptiones auctæ sunt ,

„ & ipsi Tritheitæ inter se dissidere cœperunt , ac  
 „ primum Pædobaptismum publice damnarunt . „ Et  
 in principio Libr. I. p. 2. postquam commemo-  
 rasset , renascentis Evangelii tempore alterum quen-  
 dam Simonem magum extitisse Servetum adjicit :  
 „ Ex ejus vero Schola egregii illi discipuli prodi-  
 „ erunt Gonæsius , Gribaldus , Blandrata , Gentilis ,  
 „ Alciatus , Gregorius Paulus , Simanus , Casanovius ,  
 „ Menno , & Anabaptistarum numeroſa agmina : quo-  
 rum omnium cum sint variæ & discrepantes  
 „ Sententiæ , non est nostri propositi easdem fini-  
 „ gulatim persequi . „ Hoc autem ut luculentius  
 constet , nullo modo in suspicionem adduci posse  
 Bullingeri fidem , quum perhibet , complures præ-  
 cipuos sua ætate Anabaptistarum Doctores horren-  
 dos Serveti errores imbibisse ac publice etiam do-  
 cuiſſe , auctarii loco excitabo hic testem omni ex-  
 ceptione majorem , Theologum Polonum Celeber-  
 rimum , Joannem Lasicum , cuius inedita , quod  
 Sciam , ad Theod. BEZAM epistola ita habet :

*Nobilissimo Theologo Theod. Bezæ S. D.*

Etsi sciam te legendis melioribus scriptis oc-  
 cupatum , Theodore doctissime , tamen cum hæc  
 ad te ex ipsa Polonia , quæ maxima est pars Sar-  
 matiæ scribantur , quæſo te benigne ea accipe .  
 Poloniā divisam esse in duas partes , opinor ,  
 nosti ; quarum altera major Polonia Silesijs & Po-  
 meranis vicina ; altera minor vocatur . In illa  
 pacata sunt omnia , summopere Fratribus Wal-  
 densibus , sic enim vulgo vocantur , invigilanti-  
 bus , ne quæ hæreses aut dissidia exoriantur in  
 Ecclesiis . In hac autem adeo turbata sunt omnia ,

ut

ut nihil lugubrius videas misera mea patria. Postea quam huc quidam Itali, isthinc exterminati, commigrarunt, ea nobis clam invexerunt dogmata, quæ nunc paulatim exorientia universum perturbarunt religionis statum : Huc illud mali accessit, quod Tritheitæ (quibus Spiritus S. non nisi Dei donum est, & a solo Patre prodit) SERVETI scripta habeant, & ex eis monstrissima quæque dogmata exhauriuntur : quæ Scripta de Jesu Christo homine divinissimo, & alia ejus generis nacti sunt ab eo Polono, Stanislao Kokoska, qui fuit aliquando puer illius Lælii Socini, etsi ipse in Italia subito quodam morbo extinctus sit. Itaque hic audias nihil aliud quam de inæqualitate Filii Dei a Patre, & naturane an Prædestinatione Deus sit, ut omittam alias disputationes. Nacti sumus Blandratæ, qui est in Transylvania ad Gregorium Paulum, qui concionatur Cracoviæ, plenam blasphemiarum epistolam, in qua illud postremum in dubium vocat, & an sit Patri coæternus Filius Dei ex S. Literis id sciri non posse ait : Joannem ænigmatice de Christo scripsisse credit. Cum igitur & talem magistrum Gregorius habeat, & Scripta SERVETI studiose legat, fieri non potest ut magistris similis non esset discipulus. Itaque uti bonus nunquam rhetor cessat, tonat contra Deum, Essentiam & Trinitatem : Qua parte Religionis a se, ut ipse putat, perpurgata, accedit ad alteram dementiam, ut neget infantulos ad baptismum *ceu fontem vitæ* & januam Ecclesiæ admittendos esse, & qui tales olim baptizati sunt, eos merito denuo baptismum suscipere debere, ut innovationem vitæ percipient, & illa pateant prodigia, quæ Christus credituros secutura dixit; qua in opinione

valde audax & liber est, sed opinor falsus vates. Is ergo postquam suos de uno vero baptismo adultis dando, non iis qui in cunis vagiunt, probe docuerit, accedere cum eis statuit (certa sunt omnia quæ scribo) ad fluvium, in quo totos abluat; verum ne hic quidem conquiescit: audivi enim ex eo, hæc esse prima rudimenta restaurandæ antiquæ Religionis: Spiritum S. esse qui hæc sibi patefaciat, & quasi cœco oculos magis ac magis, ut cernat, aperiat. Cujus vel Doctor vel Socius Goncozius, qui *de Magistratu librum* scripsisse fertur; cum hic aliquando visus cum ense ligneo esset, respondit interroganti, non licere Christianis, arma, quibus lædere possis, attractare. Breviter illi ipsi jam facti sunt ANABAPTISTÆ, de qualibus in Flandria audiisti: nam nosti fortassis inter eos genus esse Sectariorum, qui præter cæteros de Trinitate perperam sentiant: horum enim Spiritus ad nos transvolavit & nostros ita fascinavit, ut nullius plane nisi suam interpretationem Scripturæ admittant, ac nullam habeant S. Catholicæ Ecclesiæ rationem. Quorum furores cum videret Rex, edictum promulgasse fertur, quod tamen nondum ad nos e comitiis perlatum est, ut omnes Tritheitarum Ministri regno pellerentur. Verum cum ea sit nostræ nobilitatis Libertas, ut quæ velit, etiam faciat, puto facile fore ut irritum fiat; qua de re scribet aliquid ad Te Thretius, (qui tibi salutem adscribit,) ubi id ad effectum perductum fuerit. Lysmanninus credo tibi non erat ignotus, is veste ante puteum relicta, videlicet ut indicium diræ ipsius mortis restaret, in aquam infiliens periit. Plura de miserabili statu nostræ Ecclesiæ ac Religionis scribere non lubet. Orandus nobis Deus est,

est , ut eam Satanæ vim adimat , ne amplius turbet Christi Ecclesias , & ut nobis Spiritum illum promissum mittat , qui animos nostros ad majorē & Dei & hominū charitatem inflammet . Vobis autem omnibus adsit semper Deus propitius . Vale Vir præstantissime & nos litteris tuis confirma . Datae Cracoviæ . 30. Maii 1566.

Tui observantissimus

JOHANNES LASICIUS.

Ex hac vero Epistola manifestum esse arbitror , quod olim Tritheitæ in Polonia passim fuerint Serveti Sectatores , qui Scripta ejus studiose legerint , ac monstruosissima quæque dogmata ex iis hauserint : quod iidem Anabaptismum publice sint professi : quod in Flandria quondam inter Anabaptistas fuerit integrum genus Sectariorum , qui præter cæteros de Trinitate perperam senserint . Atque ita hactenus non intelligo , qua fronte ac fiducia a nonnullis ea , quæ Bullingerus de pluribus ex præcipuis Anabaptistarum suæ ætatis Doctoribus perhibet , in dubium vocari possint . Sed objiciat forte aliquis , in eo Anabaptistis injuriam maxime fieri & æquitatis leges migrari , quod Bullingerus ipsum Servetum , tam abominatum Hæreticum , ipsis annumerare non dubitaverit . Atqui Bullingerus ipse hanc culpam a se amoliri nullas prætermisit ; etenim in fine cap . 12. Libr . II. hæc ejus leguntur verba : „ Quod si quis forte existimat , me impurum nebulonem Servetum immerito Anabaptistis adnumerare , is sciat ipsum in fine Libri de regeneratione , audacter admendum & aperte sub peculiari titulo hæc scribere ; „ Baptis-

„ Baptismum parvolorum esse horrendam abo.  
 „ minationem , extinguere Spiritum S. vastare  
 „ Ecclesiam Dei , turbare Christianam confessio-  
 „ nem , abolere renovationem a Christo factam ,  
 „ pessundare universum Christi Regnum. Hæc  
 „ illius est Sententia , quam tamen nullis Scriptu-  
 „ ris probat. Ex his autem appareat , jure ne an-  
 „ injuria ipsum Anabaptistis adnumeraverim. Po-  
 „ tuisset certe Propheta & impurus Doctor esse  
 „ in novo illo Monasteriensi Regno Christi & nova  
 „ Hierosolyma. *Sin vero Anabaptistas forte Serveti*  
 „ *pudeat ; (\*) non tamen ipsum pudet Anabaptisticæ*  
 „ *Doctrinæ , quæ docet Baptismum parvolorum*  
 „ *e Diabolo esse. Non multum certe dissimilis est*  
 „ *Anabaptistas , qui ipsi quo ue magnifica hujus-*  
 „ *modi & vehementia verba ebulliunt & horribi-*  
 „ *liter intonant.* „ Quid quod nec ipse Calvinus  
 injuriam esse censuit Serveticum Anabaptistis com-  
 parationem : in Ref. Err. Serv. p. m. 751. a.  
 „ Breviter ostendam , quibus stimulis , *ultra omnes*  
 „ *Anabaptistas , percitus fuerit Servetus ad maledi-*  
 „ *cendum Pædobaptismo. Viginti rationibus*  
 „ *contendit Libro de Regen. IV. perperam ac*  
 „ *præter Dei mandatum baptizari infantes.* „ Has  
 qui cum Anabaptistarum veterum rationibus com-  
 paraverit , deprehendet , non esse ovum ovo tam  
 simile , ut jure in hoc Doctrinæ capite illorum  
 antesignanus haberi possit. Idemque p. 753. b.  
 „ Jam videre operæ pretium est , quodnam legi-  
     „ timum

(\*) Nuperus quidam Scriptor in contrarium affir-  
mat : Servet war ein Mann , der den Anabaptisten in  
viel Weg Ehr gemacht hätte.

„ timum tempus Baptismo suo determinet. My-  
 „ sterium magnum esse dicit, quod Christus non  
 „ ante XXX. annum baptizatus fuerit. Exemplo  
 „ enim ejus nos esse edoces, ante eam ætatem  
 „ non esse quem satis aptum ad mysteria Regni  
 „ Cœlorum. &c., Negat tamen Servetum altera  
 vice S. Baptismatis aqua fuisse tinctum: p. 755. a.  
 „ Baptismum sibi ostendit ludibrio esse, cuius  
 „ recipiendi nunquam ab eo quæsita est ratio.  
 „ Quid hoc portenti est, quum ad annum XLVII.  
 „ vixerit, negligere, vel saltem *omittere*, quod  
 „ jactabat necessarium esse salutis æternæ pignus!,,  
 Scilicet ita magnifice ac prolixe de necessitate &  
 virtute S. Baptismi sentiebat Servetus, ut non du-  
 bitaverit Calvinum Epistola aliqua ad suscipiendum  
 denuo Baptismum exhortari. Ex quibus Vene-  
 randus Cancellarius ac Theologus Göttingensis de  
 MOSHEIM in *Historia Serveti* p. 84. omnem huic  
 Calvini testimonio fidem derogare conatur, quan-  
 do ita colligit: Ist es möglich daß ein Mann, der  
 eine solche Fülle der Gnade, der die Seligkeit  
 selber von der Taufe, die in dem dreißigsten Jah-  
 re geschicht, erwartet, in dem dreißigsten Jahre  
 seines Lebens stille sitzen, und nicht alles übrige so  
 lange auf die Seiten legen könne, bis er durch die  
 Taufe die Rechte des Reiches Gottes gewonnen  
 hat? Ich kan mich also kaum enthalten, zu glau-  
 ben, daß Servet von Charlieu in dem Jahre 1539.  
 oder höchstens 1540. ehe sich sein dreißigstes Jahr  
 endigte, eine Zeitlang entwischet sey, und sich in  
 der Schweiz von einem Wiedertäuffer zum andern  
 male habe tauffen lassen. Reverendus contra Acto-  
 rum ad Historiam Reformationis Ecclesiarum Hel-  
 veticarum pertinentium Collector contendit inter-  
 missam

missam esse a Serveto Baptismi repetitionem ex necessitate, quod nulli tunc temporis in Gallia & finitima Helvetia fuerint Anabaptistæ, quorum opera in hanc rem abuti potuerit. At vero hæc temere ita esse conficta, & Servetum circa hoc tempus ab usu S. hujus lavacri nulla necessitate fuisse exclusum aliquot testimoniiis docebo : *La Vie de Farell ad ann. 1538.* hæc habentur : *De la part de Farel je trouve une lettre datée depuis Genevè du 14. Juin 1538.* escripte à Fabry, dans laquelle il parle d'un certain Badius, & de Adamus Gestius, Jehan Moynier & de Colinæus & autres Anabaptistes, lesquels debravoyent & chantoyent victoire aux dehors & les accompare à des larrons, qui entrés dans les maisons, ou personne ne leur contredit, & emportans ce qu'il y a de meilleur, s'en louent & vantent. Ad annum vero 1540. die 16. April. Farel dans une lettre à Calvin parle d'un certain Anabaptiste nommé du Val fait prisonnier à Lyon. Et dans une autre du 18. Sept. de la même année : *Les Anabaptistes pressent tous les jours. &c.* Quicquid autem de hoc sit, id certum est ; Servetum in præcipuo dogmate, a quo etiam nomen Sectæ hæsit, cum Anabaptistis fecisse, atque merito illorum antesignanum & Doctorem haberi, in primis quum deinceps plurimi qui hanc familiam secuti sunt, ejus adversus Pædobaptismum insanum furorem & debacchandi libidinem fuerunt imitati, atque etiam alia ejus blasphema dogmata sua facere non dubitarunt. Meræ ergo forent cavillationes, si quis Bullingerο vellet objicere, quasi tradiderit, Servetum ex Anabaptistis cœtum sibi aliquem collegisse, cui publici Doctoris titulo unquam præfuerit ; aut ex Servetianis certam aliquam Anabaptistarum

ptistarum familiam, quæ in peculiarem Societatem secesserit, fabricasse. Nihil horum unquam Bullingerio in mentem venisse, fateri necesse est omnes, qui ejus adversus Anabaptistas Libros non oscitanter aut perfunctorie perlustrarunt.

\* \* \*

*Julius Mediolanensis Pesclavii Minister Epistola ad Bullingerum d. IV. Novemb. 1555. data.*

Literæ tuæ refertæ quidem & fraterna dilectione & ecclesiastica disciplina, quibus significabas Lælium Senensem, jam pridem a nobis suspectum, & a multis bonis fratribus habitum pro manifesto *Anabaptista*, coram te non tantum professum esse bonam confessionem, sed & propria manu subscriptissæ sanæ Doctrinæ, quæ semper fuit in Catholica Ecclesia. - - Oro D. Jesum, ut Lælius toto corde credat, quæ coram te confessus est &c. Nolebam; sed ut cautior fias, cogor referre, Lælium Camillo Renato dedisse manus, ita ut deserta Catholica veritate publice non erubuerit Genevæ, Clavennæ & alibi stare a parte Anabaptistarum. Arbitror enim te non ignorare, callidi & tortiosi Camilli ingenium & mores. Ea igitur de cauſa, si de Lælii confessione aliquantisper suspicatus sum, ne miraberis quæſo, cum plus satis experiamur, *Servetanos* & *Anabaptistas* non facile deponere, quod semel imbiberunt. &c.

\* \* \*

*Acta Historico-Eccles. Vinar. Tom. XII. Sect. LXVII. in Praef. p. 5. Es will Herr Füsslin nicht zugeben, daß die Anabaptisten die Gottheit Christi geläugnet hätten, und bey dieser Gelegenheit will er*

er zugleich unsren Symbolischen Büchern, sonderlich in dem kurzen Auszug der streitigen Artikel, dieses als einen Fehler zur Last legen, daß sie eben diese Verlängnung unter die Irrthümer der Anabaptisten gezeihet. Allein er muß nicht gemerket haben, daß gleich voraus stehet, es wären unter diesen Leuten unterschiedliche Sekten, unter welchen einige mehrere, andere weniger Irrthümer hegten. Und hätte es dem Hrn. Füglin beliebt z. Ex. Sandii Biblioth. Antitrinit. und besonders in derselben G. Schomanni Testamentum p. 195. f. Striws Pfälzische Kirchen-Historie p. 241. in gleichen die Catechesis oder Confession der alten Unitarier in Polen von 1574. in der Vorrede nachzuschlagen, so würde er die ehemalige grosse Gemeinschaft unter diesen beyden Sekten, und daß die Unitarier allerdings Anabaptisten, und die Anabaptisten Unitarier gewesen sind, besser haben kennen lernen, mithin sich nicht so lange über unsere Symbolische Bücher vergeblich aufgehalten haben.

T A N T U M.



De-